



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

2 մայիսի 2022 թվականի թիվ 146-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՈՒՄ ՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Ղեկավարվելով Հայաստանի Հանրապետության կառավարության 2015 թվականի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու Հայաստանի Հանրապետության կառավարության 2003 թվականի հունվարի 30-ի թիվ 134 որոշումն ուժը կորցրած ճանաչելու մասին» թիվ 46-Ն որոշումով և հիմք ընդունելով «Հայաստանի Հանրապետության Տավուշի մարզի բնակչության պաշտպանության համակարգի նախապատրաստման 2022 թվականի հիմնական միջոցառումների պլանի» 13.1.1 կետը

ՈՐՈՇՈՒՄ ԵՄ՝

1. Իմ ղեկավարությամբ Տավուշի մարզում 2022 թվականի մայիսի 27-ին անցկացնել շտաբային ուսումնավարժություն «Բնակչության պաշտպանության միջոցառումների իրականացումը սողանքի առաջացման դեպքում» թեմայով:

2. Ուսումնավարժությանը ներգրավել.

1) Հայաստանի Հանրապետության Տավուշի մարզի արտակարգ իրավիճակների և տարիանման հանձնաժողովներին,

2) Հայաստանի Հանրապետության Տավուշի մարզպետարանի ղեկավար կազմին և աշխատակիցներին,

3) Նոյեմբերյան համայնքի ղեկավարին և Այրում, Լճկաձոր, Արճիս բնակավայրերի վարչական ղեկավարներին,

4) Հայաստանի Հանրապետության արտակարգ իրավիճակների նախարարության փրկարար ծառայության Տավուշի մարզային փրկարարական վարչությանը,

5) Հայաստանի Հանրապետության ոստիկանության Տավուշի մարզային վարչությանը:

3. Ուսումնավարժության ղեկավարման շտաբի պետ, փրկարարական ծառայության գնդապետ Վ. Փիրումյանին՝

1) կազմակերպել ուսումնավարժությունը պլանավորող փաստաթղթերի ժամանակին մշակումը և հաստատումը՝ համաձայն ուսումնավարժության նախապատրաստման օրացուցային պլանի,

2) կազմակերպել ուսումնավարժության մասնակիցների նախապատրաստումը՝ համաձայն ուսումնավարժության նախապատրաստման օրացուցային պլանի,

3) ուսումնավարժության անցկացմանը պատրաստ լինելու մասին զեկուցել ս.թ. մայիսի 24-ին:

4. Հայաստանի Հանրապետության Տավուշի մարզի տարիանման հանձնաժողովի նախագահին՝

1) ստուգել տարիանման հանձնաժողովի ընդունման և տեղաբաշխման կետերի պատրաստությունը: Ճշտել տարիանման և տեղաբաշխման համար օգտագործվող տրանսպորտի քանակը, տարիանվող բնակչության հաշվարկը ըստ բնակավայրի տեղաբաշխման,

2) ճշգրտել «Հայաստանի Հանրապետության Տավուշի մարզի տարիանման պլան»-ը:

5. Ուսումնավարժության մասնակիցներին.

1) ուսումնասիրել «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքը, «Արտակարգ իրավիճակներում Հայաստանի Հանրապետության Տավուշի մարզի բնակչության պաշտպանության պլան»-ը և արտակարգ իրավիճակների ոլորտին առնչվող իրավական ակտերը:

2) պատրաստ լինել զեկուցելու ուսումնավարժության ընթացքում կատարած միջոցառումների մասին:

6. Սույն որոշման կատարման հսկողությունը վերապահում եմ ինձ:

ՀԱՅԿ ՂԱԼՈՒՄՅԱՆ

02.05.2022

X

ՀԱՅԿ ՂԱԼՈՒՄՅԱՆ

